

يوم ميلادي

يمرّني كل عام يوم ميلادي
يوم أعرفه ويوم انسى مواعيده
يمرّني وانتبه للغايب البادي
واهوجس بحال غيري من مواليده
أرتاع وارتاح له يفرق وهو عادي
ينقص من العمر عام في ضحي عيده
أنغم الحرف ذا باقي وذا شادي
وارسل مع كل دمه وجد تغريده
ياوابل الغيث كان الحظ به جاد
يزهر حياتي نداءه وتزدهر بيده
ياركب الايام معك العمر ينقاد
كم ليلة (ن) وسدتني فيك تنهيدة
ويارحلة العمر في صحوات ورقاد
ويارعشة الجفن في غفوه وتسهيده
في لحظة العمر تسري فزة فوادي
لحظه وفزه وباقي العمر ترديده
اللحظه الماضيه ما عاد تنعاد
والقادم من العمر بالغيب تفنيده
ثلاثة ايام للرجال ياهادي
يومين دنياه ويوم البعث تخليده
الأمير خالد الفيصل

